





第一一五八冊

四庫全書

● 上海古籍出版社

本冊目次

附	盤	野	九
			附
	洲	處	
			華
	文	類	
錄	集	藁	錄
			集

	舊題	
宋	宋	宋
洪	洪	員
適	邁	興
撰	撰	宗
……	……	撰
二	二	……
四	三	一
三	三	

欽定四庫全書

集部
九華集卷一至四

詳校官庶吉士臣初壽齡

主事臣呂雲棟覆勘

滕鍾訓貢生臣杭光晉

滕鍾監生臣任溥

欽定四庫全書

集部四

提要

九華集二十五卷

別集類三宋

臣等謹案九華集二十五卷附錄一卷宋員興宗撰興宗有采石戰勝錄已著錄其集見于焦竑國史經籍志者本五十卷乃寶慶三年其孫榮祖所編興宗弟夢協并研李心傳俱為之序明以來久佚不存今檢勘永樂大典所錄摭拾詮次蘊為詩六卷雜文十五卷又論語解老子解畧西隱筆畧併紹興采石大戰始末各一卷而原集所載同時祭文可以互證興宗始末者則別為一卷附之于後集中多與張栻陸九淵往復書簡益亦講學之家然所上奏議大抵毅然抗論指陳時弊多引繩批根之言李心傳序謂歸附既留而垂遣督御因逐而旋召均輸久廢而驟復此三

欽定四庫全書

九華集

事皆朝廷所必行而興宗矢筆盡言斤遂不
悔則其經濟氣節均有實事非徒侈空談者
矣又洪括撰隸釋時嘗咨以漢碑數事興宗
為之考核源委具見精博令答書一通具在
集中學問淹雅亦未易及雖其文力追韓柳
不無錘鍊過甚之弊然骨力峭勁要無南渡
以後冗長蕪蔓之習挺然一作者也乾隆四
十六年九月恭校上

欽定四庫全書

九
年
集

總纂官 臣 紀昀 臣 陸錫熊 臣 孫士毅

總校官 臣 陸 費 舉

原序

三嵎介東西蜀之間雄秀而峻極士生其中大抵莊靖
篤實而文亦如之自入國朝以勛勞名節著見者代有
其人至於居言語風議之言而正色不回有頑無貳使
人望其風後如與三嵎並立者則余於陳員二公為有
感也蓋司諫陳公純益以正論救時於封國之始而太
史員公顯道以忠言輔上於乾道之際流風餘韻士皆
宗之然陳公之文今不盡見獨封章之載書右錄者僅

欽定四庫全書

九
年
集

存一二推此志也雖與日月爭光可也若員公之文則

傳者衆矣高古簡嚴惟陳言之務去極其所就必欲至
杜韓而後止李柳而降非所願也然余之所以重公者
豈獨文而已哉當公在館學時國有大議凡掌諫諍司
出納與夫執簡立柱者所不敢言而公獨言之歸附既
留而垂遣暫御因逐而旋召均輸久廢而驟復此三者
皆上意所深嚮朝廷所必行而公上不負明主下不阿
所好夫筆盡言囊封亟上雖斤遂致死而不悔也余嘗

奉詔增輯中興以來放失舊聞因得公諫草而讀之為之三復流涕不能已也然則余之所有感於公者豈獨文乎哉公沒垂六十年而心傳猥以非才誤膺招聘竭來成府訪別父兄過公舊廬低回而不忍去公之孫崇祖出公遺稿示余求為之序余於公既所深慕而先大夫荷公之知又為有素因而不復辭特著其大節如此使後之生三峒者全其所鍾雄秀峻極之氣莊靖篤實必如前人而後於斯文為無負尚公之志也始公未仕

欽定四庫全書

九華集
原序

時屏居郡之九華山自號九華子後人因以名其文然傳於世者視今書幾十七蓋猶有所避就既歷五紀而後全書出焉公名興宗官著作郎兼國史編修官實錄院檢討官當修阜陵書時史無專官類以百司所報為准故公之言與事畧不少見今方舉而重修之會有知史法者表出之云寶慶三年歲次丁亥夏四月哉生霸越五日丙辰樊道李心傳序

先兄著作未第時著書州之九華山人莫見其面晚策

名奉詔入館慷慨立朝屢以論事辱上眷知視生平所學不愧不幸已矣獨遺稿存耳敬出之與有志古文者共觀焉弟左迪功郎成都府華陽縣尉典寅夢協書

欽定四庫全書

九華集
原序

欽定四庫全書

九華集卷一

宋 員興宗 撰

五言古詩

和王丞絕勝亭

時序一轉輒乾坤雙放亭此日即昨日春過秋崢嶸如
何萬象閒當我七尺形忽憶縣以西遠覽目屢經前峰
一龍伏遂歎千螺青是窮天外勝誰託世上名翩翩佳公
子語秀含餘清來此集賓客溪山兩鍾情亭如栖烟樹

欽定四庫全書

九華集

客乃委浪萍共此一時勝選我萬古城長歌白雲過落
日金盃傾我至將無時庶以娛瞻聽三隅此其一松柏
爭敷榮地靈臺骨秀不受紅塵櫻今朝動清興有人踏
皇扁勝絕定何如同起為蒼生

遊城西李氏園李仁甫謝伯堅同會席中得當

字

吾生會如寄俯仰歲月荒安得無盡境寓樂窮時觴竭
來古城隅露坐蔭石牀皎皎月在野山光映低昂諸公

飲文字歌黛何由將環客者誰歟青青在吾傍此君有

令質簡潔韻自長一掃塵土想化作冰雪勝歲寒知幾

何衆本誰能霜獨此抱身正有趾踰平當高度竟凜凜

不以外物攘此會定清真此懷為君忘

春遊分韻得雨字

疎疎來往舟續續後前雨湖光不自持春色遽如許日

車忍停輪塔鈴幸無語是日無風冲懷宇宙寬空濛我當取

諸公飲海棠下因賦韋陶體二首

欽定四庫全書

九華集

相與飲花下飲極人自歌有酒不共盡奈此春光何翻
愁白日短勿厭紅樹多樹多尚云可紅落無停柯萬象
懸悲端歸卧山之阿

雨露下澤澤泉井含新滋彼美海外棠嫣然自繁枝枝

繁不忍折與春作容姿春容無定好紛落青門道故山

菖蒲花九節石上老

遺任子淵省元六首

山花亂紛葩崇蘭度輕靄謂言花正身何以堪衆目離

披委叢萃萬物幽獨美人尋當來初之佩空谷
平生數任李異質苦同調飢作一飽營詞欲四裔照盡
魚慎勿箋皇墳可數與我亦玩世者時言期久要斯人
竟天遊出語仍奇妙

何勞話前三俱共入不二耕耕我村田自免荆棘累因
茲等用舍已作舟不繫枯風搖我情零露泣我淚

妙想語不周中夜興抱膝憶昨親蛟蜃風浪身惻惻天
意增吳濤滄江渺何極君舟且勿理南首快所歷何如

欽定四庫全書

九
集

西樓觀蕉花紅正滴

我有二三子文字桀黠炳一說為波臣武傳近華省豈
徒異榮寂又墮生滅境懸知羣物攝大類任毛穎不如
沈故習長笑天地永

我興一枯枿空此歲月度公幹仍多難病亦沉綿屢象
犀竟誰攬漫衝江海霧誰說官異人我才止堪薄

送李省元周輔

舟亦不肯駐人亦不肯息君有浩蕩志我帶憔悴色欣

然別我去吾寧旅終極念昔始知子氣度流輩百元祐
明公孫對面想宿昔馮翁口吃吃遇子亦賓客悵往懷
今茲俯見江漢窄一官家萬里悵悵凍飢逼

管寧

幼安湖海士氣香秋空雲遠目隘九州誰識中領軍真
命寒栢獨遼氣崇蘭重超遙首陽山夫子猶二君

阮籍

我愛阮嗣宗天懷遠而放理觴墮沉冥出語輒清曠駕
欽定四庫全書

九
集

言窮所之途窮涕亦浪伊人已真契誰謂失之蕩夷庚
得神超世以多岐喪

李巽巖四望樓

巽巖秘監起小樓名以四望邀同賦詩有笑
樓卑之甚陋之甚當易之者僕因分韻具述
李小築之意嘲其解矣僕得登字韻

青青十二樓萬瓦浮雲棲居者誰氏子酒肉堆丘陵一
一閒城眉捨此不為登清夢幾時回何曾舍虛擬本欲

了萬境竟為景所繩我友子真子士以古誼微載書來

上都結束車不勝揅架備小築且以觴賓朋或人指之

笑謂此不能宏有如短尾航又如東翅鷹團疑戀穀龜

局類遭寒蠅早早形覆缶短短射依棚行行頻辟礙倚

倚難軒憑風立苦打頭月坐傷橫肱寒足龍擁掩炎軀

甌炊蒸俯首忽見地閉目可數層何當攬星辰惟堪掛

用綰君子促改辦不爾陋可憎我興聽是說諸友無乃

稱交從二十年我能識其膺彼腹椰子大千卷貯亦曾

欽定四庫全書

九華集

五

李渤問古德芥子如何納須彌古德云汝喚李萬卷是

否汝腹如椰子大萬卷着在何處渤有省士子腹有千

卷者八尺之樓獨不能體作黃冠撲言迺水雲僧豈其

貯其身乎覽者宜一笑體作黃冠撲言迺水雲僧豈其

八尺高而能礙晨興瞻想西南北衆萬皆環經奈此歸

思何猶然間騫騰世好窺粉飾是態惡可懲元規塵可

謝肝膽醒春冰但使居者樂勿使疑者升諸公做戲語

俄然迭嗟矜鵲酒共過之臆虛納清澄員子眼力到數

來數歸鵬擬乎天上人天門者不磨為君出登賦歸來

伴龕燈三年京國夢一柱立不能我數無何鄉神尻以

為垂

平等寺

萬籟久已息幽鳴竟天和川靈如有知野鳥時驚柯明

月照我衣我起聊自歌無酒今可觴如此良夜何

即事

我本不即世世網以維之維之意何傷俯仰百念衰清

真寓天壤誠盡復誰欺情忘物自遺深虞未忘時平生

寄筆墨幽解畧自茲

欽定四庫全書

九華集

六

述古

道渾語不枯意盡文自止思成韻抽結渙若風行水恭

惟古先民吾今亦如此誰歟童句繪碌碌寄餘子

自荆入沱至鄂凡十日沱中

長蘆銜短蘆挽船如挽車一縷江搖天紫帶千里餘時

馬忽斷岸依依見幽居試問居者誰此地家焉如居者

顧我笑官何問之愚一生宅莽蒼豈覺城市娛出戶舟

為步入戶羨為魚田牧我有時牛羊與之俱但願稅稻

豐俯仰無所須山河總白日城市仍丘墟我興愧其言
勞生嘆囚拘因笑永民鼠人大長狙狙

送校理梁同年子輔守彭門

衆萬欣有託我興渺無依軻雄去則久道論何其衰味
薄成花惡時趨化心低豈謂查井中有子相嬉嬉君乃
柏下苓我乃松間綠河關兩值遇綢繆竟天姿直我我
即敬晚我我自思如何萬里舟忽去不可維頻變覺情
易人遠中自移持杯動孤影秋風又淒其去日懸幾許
欽定四庫全書

送闕國錄守簡州

生世事憂喜擾擾合與分合即海上鷗分逆風中雲分
合懸有定誰能預戚忻心空等行脚得酒且策勲念昔
求見子相看每相羣黃緣再值遇天南話鄉粉朝聲並
屋喧夜飲竟面黥我遇不易振但知祖皇墳君言時作
我神機謝勦耘如何日蹙啣蹙啣向我云自來越上吟
五別西山片緬然動中懷羈心為之焚辭彈起後慮往

勇稽前聞歸思溢浩浩江流泛云云君鞭先我着我其
敢後君蜀遠誰肯顧萬里華勛國恩自丘山彼此當
勤勤况復坐紅日椒桂來奇芬人生行樂爾妙寄窮天
垠却寫分外慮太空鼓蠅蚊君行不作廢我將理吾軍
漸營卓錫地遺書收放紛故家通社臘與子同朝曠斯
言不自領請移北山文

宜賓別楊同年

江行駭湍濤文字無暇尋滿聽舟人歌宵中垢穢侵宜
賓夷燎鄉繫纜日欲沉倉卒拜年契外堂間韶音難肥
為子烹酒美亦共斟語笑不知夕蟾蜍滿衣襟首陳兵
戰謀西北敵可擒次論月蝕詩獨採全愈心未憎輕簿
走竊譽希山林儒學規矩奇約繩固所欽誓將革愚魯
庶異萃與參會淺別又長情重愁愈深願終保壯節勿
作澗松吟天子思太平此非久滯淫

哭待制許先生

平生一靈臺機智得深屏出使星移天歸朝月生嶺上

書肺肝露不事類古逞事狀嚴歷歷九原忽蘇醒

夢邵徵君

歲庚十四月余夢明而哲者謂曰子知我乎
我原也余與之言其人有林下風氣余辭蓋
塵矣覺而思之超遠之士無所謂原者意原
乃三國之秀邵徵君乎何自而夢我也昔斯
人不屈於曹公願屈夢於我哉無迺亦有以
知我歟

欽定四庫全書

九華集

九

我夢窮躋攀滑滑泥掩膝我自摩天嶺而轉風木榭有
客冠甚我見之驚已乍邵姓原其名風流茂曹謝賓我
復坐我豐草殊可藉英言有深吐微論亦高駕與原濶
千祺待我仍管華
華歆管寧及原
為三龍相友善
暫却願言赴汗漫同予觀物化

題山月水月二亭

山月水月特庵喻子生平所釣而遊坐而息
者也喻死矣而亭日虛吾前過之煙草萋迷

即有追賢悼往之念今復來此因賦是詩以
留亭上庶以代相挽之章也

山月照我形水月滲我神對月淚已波尚想亭之人高
懷寓玄照清暗逃時紛老我竟誰憐歲月空崢嶸寒光
注夜夜瓊樹舒冥冥而子於是間遙抱回天真我時走
浩蕩乾坤渺虛營文字掛衆陋一縱不可循子起笑謂
言世念違紅塵忘言亦忘默第飲千盃醉藉我月下草
枕我亭邊雲遊將躡天去寸步遙遙親故人今何許白
空亭亭何當三千秋歸鶴驚四鄰

欽定四庫全書

九華集

十

挽二叔通直

知公經術富少小足奇尚堂堂蘭茁芽願言契新賞蕭
條度風霜汁西鞍馬上暫行發羊腸世路蛛自網綠衣
一秋荷而能脫塵缺聖言得微奧理明詞亦暢有文不
帶酸餘味甚熊掌其中殆天全識解自超曠事佛當晚
年精神著內明禪設水月澄遙韻天風興我昔尚童子

門戟過雙轂而公見之喜單辭幸相廣勵我多苦心寒
庀對珍亭山花草然胡為歲月往瑞蘭期遠插庶以
慰黃壤

州以隆名誠盛事也父老歡喜一詞僕亦感且
慰因賦詩以志其盛

青峰高隆隆赤縣垂世世俯仰或百年興衰寄一字有
人紀國勲今日起天意父老歡不徹衛歌傳盛事

詠鷄頭

欽定四庫全書

九筆集

十一

桃李妍衆目取次紅綠揅練練湖中姿佳葉鬚作鐵名
字勝且高意亦傲鷄舌煎面君莫侮滿腹珠璣列昔者
靈沼會賦就蘇子轍只今風味遠是說非密說

詠蛤蜊

君起西南思為子疊前篇我興樂東南珍烹口同然佳

哉有蛤氏商略依舜泉

舜泉事見山谷詩

馬刀形則古瓦屋蟲

能天

蛤蜊大名馬刀小名瓦屋

入手意便韻況余謝輩豈何必逢麴

車為君口流涎

詠江鯉

鮮鮮眼中瑤玉柱出珍抱吾家天萬里識君恨不早攜
來定雪兒中膏非外槁不知何物尤醉臉茲一掃平生
珠為鄰冰盤仗幽討或言比丹荔同傳韓非老

東坡云有如江

鯉斫玉柱所謂韓非老子同傳也

欽定四庫全書

九筆集

十二

欽定四庫全書

九華集卷二

宋 員興宗 撰

七言古詩

賀雨并引

若歲大旱用汝作霖雨乃人君命相之辭提刑顯謨自西蜀使華慨念斯民憂於久旱炷香祝天不崇朝獲甘雨蜀路生齒樂意具足與前賢若歸一揆目擊盛事因賦古體以紀

欽定四庫全書

九華集卷二

盛德

歲若大旱作霖雨禱而雨今旱不苦誠之一字與天參往古聖賢珍此語歲星在蜀二十年觸處豐登多黍稌世不少惜蹂踐之枉使寶稼棄如土况復縱恣相憑凌氣焰熏天遽如許三綱五常淪且數以故傷和逢瘴怒旱魃為災熾神暑撲康陽烏垂九數火雲釜甑蒸肉山不奈炎官云我所公方憂民心瘡痍掃除熱瘴還清楚却憶曾侍玉帝旁授以金科行按部辦獄更過顏魯公

欽定四庫全書

九華集卷二

一路傳呼御史雨不聞匹婦且銜冤西蜀向安誰敢侮和以致祥應止止喜見太平舊官府肅時若是號休徵甘澤霑霑來以叙石燕漫飛商羊舞六處那能問狐鼠巫覡罷散鼓笛閒龍德欲歸江海去為言西成祀田祖飽食不驕民樂聚昔何感嗟今怡悅力回造化公為主濯濯厥靈玉不焚伊格皇天歸宰輔餞餞無若雨反風變理陰陽且封魯御災捍患世亦希可但明時繼前古願言霖雨思賢佐鶴入堅珉作詩語

遊漢嘉明月湖次宇文子重韻

君不見天台賀季真鑑湖一曲光泠泠又不見錢塘林處士西湖千載成高名千頃菰蒲抹岸白幾樹寒梅疎影橫呼吸湖光映湖綠兩公便謂得此生吾僚胸次本丘壑中有林賀之高情銀盤夜色清鏡動便欲邀汝成三人旋喜巨羅金在眼肯識仙桂來無根前時六濁皆運出招此不夜歸重城未蒙濡沫到惡客先苦詩向來續紛思君對洗同一靜大勝狂歌歸四明

紫雲洞

府判李文於先大夫祠堂之側因紫雲盤其上
迺作洞焉諸公賦詩皆瑞紫雲多以列仙
之異言之愚謂踰鼇先生忠誼不沒者也有
以瑞其後紫雲蓋有託乎府判又能世其家
且大之吾儒之喜頌者也即為賦此

君不見茂州長史文章翁生平姓字懸天東英言撼帝
帝不從建隆以來無此忠今馬樓神寓玄躬道在翳嘶
欽定四庫全書

九華集
卷二

三

峰外之高峰是間真趣排天胸指顧可了荆岱嵩過年

秋練春光融離離渡漢舒溟濛狀殊宋車非越龍

宋志
宋重

如車越亦非石壁浮青紅望之雲遠討其蹤類風飄煙

重如龍

欺霧濃梁簡文賦紫雲詩直排間闊貫紫宮父老語我

云金風飄素煙

昭我聳疑是先生不掩之精雄自爾支柱瓊崖中要把

英爽飛摩空有如韓王結裾騰騰化異氣

魏公試進士
是日五色成

雲亦如衛生食昂疊疊欺長虹誠於斯民有願力此段

奇特將無同先生英名無有盡乃雲無心洞無窮或云

龍盤發天秘不知的的勝事符阿戎勸君不必崑閬通

五雲之祥由李宗

尹喜望紫雲
下得李耳

君家種義昭玄穹可隸

黃字驅青童掃灑願勿俗子容斗酒為噴王無功

僕自
擬續

瑞芝

知郡李文招賓友於洞之側飲未既有童來
前曰適得異草丹其蓋玉其枝童不名其何
物也余顧笑曰芝也分幹異本是應奇祥蓋
宗祀享答之嚴積歆德耀之及於是乎見之

欽定四庫全書

九華集
卷二

四

誠不常有之物也豈其大門之慶乎會人有

酒乃綴數語以賀明日足是章以志山中盛

事云

君不見翳嘶路轉重行行玉几有洞含餘清跨龍樓魂正

爾所合皆萬古遺忠名洞口雲騰紫幕幕洞外草茁朱

英英從來精爽自難沒地不愛寶天數榮嘉祥一書世

則瑞而况君家二者并請原昨日盃酒事公子沃客金

盃傾有童有童跪再拜云得異本由天成主人于于衆

客笑春入四座散縱橫夜如何其不忍去翦燭細看枝
瓊瓊有同魏縣王三幹大似漢宮金九莖巖間義氣埋
不得宛轉再露乾坤情公子世敵亦有相他山之石何
由生願言勿隱東郭几穩出卧護南陽城天邊瑞蓋兩
旌節我相公子非癡卿

歌兩淮并引

事以詩敘者唐人累累有焉然有之而工工
之而傳惟少陵樂天二氏乃已也蓋少陵以

欽定四庫全書

九華集
卷二

五

嚴樂天以詳兩公於事皆工於道達事然矣
語未嘗不然則人之從之亦信乎其然也嗚
呼風雅變體厚語極至此可謂難哉吾蜀
虞公常援尺箠答敵兩淮之上敵憤以死此
事曠古今一快者賓客欲表著鋪張而緒言
之其當取杜乎當用白也吾無適而偏廢矣
雖然吾非其人也勉賦悲兩淮一首

君不見北風吹淮風浪黑鐵馬千羣凝一色當時廟論

孰經濟將相無言潛動魄或云南紀當何憂今代諸葛
身姓劉陛下喚取守淮向彼有勝算踰千子登時詔語
從天墜記為先鋒鉞制置併遣健士付阿權等是兩淮
兵馬地宜期將潰兵川流翻手忽忽無十州前時冠劍
錯準擬此事吐口貽人羞幸哉天禍不終極至尊避殿
憂思集樞臣督戰侍臣諫上則倚公參贊職征歿此日
去皇皇所過騎士多羸傷不見何人出聲鼓意氣但見
十五五坐路傍公趣下馬詢衆語衆共來前致辭苦

欽定四庫全書

九華集
卷二

六

平時節使驅為奴逐逐無聊戰無主而今側身墮兩失
官騎已亡難再得誠令軍政日月懸我有微軀人不惜
公聞瑟縮涕潸然汝曹寄命真可憐朝令清明萬乘聖
權已殛死家南遷若等是行能奮死朝建勳名暮朱紫
官今付我誥如山節使察使皆在此軍家聞此逐蹄輪
喜氣酣酣如遇春當時戰死身昧昧今日分付當其人
兵官來見同聽命適有時張王戴盛分麾列伍擺布畢
髣髴平戎萬全陣斯須望敵來何多千里斷岸皆遶遶

欽定四庫全書

卷二

七

天低野曠鼓咽衆寡不敵將奈何是時仲冬日建丑
初羣雄爭先莫肯後濯纓刑馬震天地饑饉兵威古無
有旋見飛臺天樣齊黃蓋團圍傍赤旗指揮渡河在頃
刻我默戰義人安知公呼時俊騰口說汝每四方聞膽
決只今戰態作兒女便恐汝名從此歇長嘯激俊揮戈
迴萬斧並下聲如雷十舟先粉百舟敗連艦接艦成飛
埃嗟敵初來何草草一夕崩摧如雷掃命踰破竹青離
離血漬江流紅杲杲明朝北陣更奔波坐料強敵成蹉
跎初九日隄防更藉威新力為我往護楊林河運去一
朝同覆水敵再渡江終送死射人射將數不徹何況更
問舟中指移時曉天送哭喧棄舟而遁舟自焚公命火
攻列火傘船焦檣爛無逃門敵愁驚心疑鶴唳十步迴
頭九墮淚又疑官軍尾其衆清野數州無食地衆殘北
顧心悠悠金亮更欲抵死留放言京口少備者曷若舉
兵由潤州大將顯忠來是日執杖升階光熙席公先勞
苦甚生平遂借百舟如過鷁遂遷仲冬日十二旅食無

欽定四庫全書

卷二

八

烟寢無寐公來督府見相公便及瓜洲防拓事督視推
公膽有餘此事豈忍他人徂昨來兵試威萬萬別遣諸
將無乃迂公仍稟命侵星過武傳鐵騎金山破淮西萬
姓舍惟煙淮東居民淚潛墮公擺吳艦異水嬉勢壓海
浸傾天維一見使敵無可奈再見使敵心骨悲敵三傲
兀猶不悟尚呼達官招萬戶歲云暮矣無北歸我所思
兮決南渡達官再拜乞徐徐波浪駕天千丈餘以前采
石三倍惡主其急我吾其魚金亮尚嫉忠言醜快劍垂
垂擬其首只今速渡汝得活不爾愛身身在否萬戶相
顧歸相言慄慄難容血面論北人項領不易得如此郎
主何足存此夜踈星江淚濕敵將一彎弓入御寨三
重侍衛郎對面公然如不識帳中方嬰花不如帳外忽
飛金僕姑技哀賒死身困苦軟語不類平時鷹骨肉披
離頭萬里魂飛却作他鄉鬼殺氣漫天烟草迷不歸州
絕風塵起北歸敵訛為不歸州君不見昔日秦魏之兵扼上流阿
堅阿瞞皆老謀泥水血腥赤壁清兩豪一覆泯默至死